

მკობი

ორშაბათი თებერვლის 21 1921 წ.

ფასი 30 მან.

რედაქცია და გამომცემი

ქუთაისი, თბილისის ქუჩა, სადგომის მიმართულებით, რედაქცია დიალიის ქუჩაზე, სადაც დასაწყისად ვის 21/2 საათამდის, კანტორა დიალიის 9 საათიდან 12 საათამდის, 3 საათამდის და საღამოს 5 საათიდან 7 საათამდის, მისამართი წერილები და კორესპონდენციები ქუთაისი, ფოსტის ყუთი № 80.

დამფუძნებელი—ქუთაისი მკობი, ტელეფონი № 32 წერილები დაწერილი უნდა იყოს ერთ გვერდზე და სუფთად. ხელმოწერული წერილები არ დაიბეჭდება. რედაქციისათვის საჭიროა წერილის ავტორის ვინაობა და მისამართი. დაუბეჭდავ წერილების შესახებ რედაქცია მიწერ მოწერას არ კისრულობს.

№ 5

ქუთაისის სამაზრო კომიტეტის ორგანო,

№ 5

განცხადება:

განცხადება მიიღება ნაშუადღევს 2 საათამდის. სტრიქონი პეტრე პირველ გვერდზე 25 მან. მე-4 გვერდზე 20 მან. სამგლოვიარო განცხადებანი 30 სტრიქონი 1000 მან. 12 საათის შემდეგ 1200 მან.

ხელის მოწერა:

გაზეთი „მკობი“ ქალაქსა და ქალაქს გარეთ ღირს თვეში 700 მან. ცალკე № 30 მ.

1921 წ. თებერვლის 17-დან ქუთაისში გამოდის ყოველდღიური საპოლიტიკო და სალიტერატურო გაზეთი

== მ რ ი ==

გამარჯვებული საქართველო.

ქართველი ერი იმეორებს თავის ისტორიულ გმირობას. ამხედრებული, მთლიანი, პატრიოტულად აღგზნებული, სავსე იმედებით და იდეალიზმით იგი დღეს წარმოადგენს განთავისუფლებულ ამირანს, რომელიც ღვთიური ცეცხლით იკაფავს გზას მომავლისაკენ. ჩვენმა მხედრობამ ბოლშევიკები სასტიკათ დაამარცხა თბილისის მახლობლად. რუსები და სომხები თავზარდაცემულნი გარბიან.

წინ მიდის გამარჯვებული საქართველო.

საქართველო ცნობა

ქუთაისის მოქალაქეთ.

ემზადეთ ყველა მოქალაქე საძლეო ვალის მოსასდედათ!

საქართველოს თავდაცვის
ფონდის გასაძლიერებლად

ქუთაისის გაჯარამწველთა და ხელოსანთა კავშირის გამგეობა
გამართავს

დიდს ზარმოდგენას

განსხვავებული პროგრამით. სამუშაოს, 22 თებერვალს გამ-
ფრთხილის ცირკში. დაწვრილებით აფიშებში.

ყველა დაესწრება, ვისაც სამშობლოსთვის გული შესტკივა.

კავშირის გამგეობა.

ქუთაისის საადგილ-მაშულო ბანკის გაშვება და მოსამსახურე-
ები მწუხარებით აუწყებენ ნაცნობთ და მეგობრებს ყოფილი
ბანკის მდივნის

ილიოზ (იოსება) ჭაიხოსროს ძის თაყაიშვილის

უფროდ გარდაცვალებას ქ. ბათუმში, რომლის დაკრძალვის
დღეს 24 ამა თებერვალს ახალი სტილით დღით 12 საათზე
გადახდილი იქნება ქუთაისის მთავარ ანგელოზის ეკლესიაში
პანაშვიდი.

ღრმად დამწუხრებულნი დავით, ივანე, ალექსი, პეტრო
და ჭაიხოსრო ნიკიფორეს ძენი თაყაიშვილები, ელისაბედ ნი-
კიფორეს ასული პაპისივისა და მარიამ ნიკიფორეს ასული
ჩხაიძისა აუწყებენ ნათესავთ, ნაცნობთ და მეგობრებს ძვირ-
ფასი ბიძის

ილიოზ (იოსება) ჭაიხოსროს ძე თაყაიშვილის

გარდაცვალებას ქ. ბათუმში, რომლის დაკრძალვა დანაშაუ-
რულია 24 თებერვალს ახალი სტილით.

მსოფლიო ომი

ძირითად უნდა შეიცვალოს შე-
ხედულება მიმდინარე ომზე: სრულ-
დება წინასწარმეტყველება, რომელიც
ექვსიოდ წლის წინათ ერთმა დიდ-
მა პიროვნებამ გამოთქვა—„ევროპა-

ში დაწყებული ომი აზიაში დამთავრ-
დება“.
ახერხებიან-სომხეთის მიერ საქარ-
თველოზე უფროარი თავდასხმა გამო-
დის კავკასიის საზღვრებიდან და სა-
ერთაშორისო ხასიათს ღვებულობს.

მოქალაქებო! ღაცავით ფასიერებას

მთავრობის თავმჯდომარის ნ. ნ. ყორ- დანის მიმართვა მთელ ქვეყნისადმი.

მთავრობის თავმჯდომარის სახელით რადიოთი დაგზავნი-
ლია შემდეგი დეკლარაცია:

ვევლას, ვევლას!

ვევლა ხალხებს და ვევლა სახელმწიფოს ქვეყნისას.

მიუხედავად ქართველი ხალხის და მისი მთავრობის მი-
სწრაფებისა მშვიდობიანად და მეგობრულად ეცნობა ვევლა
ხალხს, ჩვენი მეზობლები—საბჭოთა რესპუბლიკები—მუ-
ხანათურად დაგვახმან თავს.

საბჭოთა სომხეთმა და აზერბეიჯანმა, რუსეთის წითელი
არმიის დახმარებით, ფორმალურად ომის გამოცხადებით,
დაიწყეს შემოტევა ჩვენ წინააღმდეგ ჩვენი დამოუკიდებლობის
მოპოვებისა და ჩვენი ხალხის მონობის ჩაგდებას მიზნით.
თქვენ ვევლამ უნდა იცოდეთ, რომ რუსეთის საბჭოთა მთავრო-
ბა ამ სწრაფი სიძლის დანაშაულს, რომელსაც ისტორიამაც არ
ქონია მწყვედრეტი.

წითელ ღრობის ქვეშ და წითელი ლოზუნგებით იმის შემ-
დეგ, რაც მან გათვალა ჩვენთან დადებული ვევლა ხელშეკრუ-
ლება, საბჭოთა მთავრობამ გადასწყვიტა იბრძოლა მალევე მოეს-
პო ჩვენი თავისუფლება, ჩვენი დამოუკიდებლობა, ჩვენი სუვე-
რენიტეტი.

მთელი ქვეყნის წინაშე ვაცხადებთ ჩვენ, რომ ქართველმა
ხალხმა გადასწყვიტა ებრძოლა თავის გააფთრებულ მტერს
უკანასკნელ ამოხუნტებამდე.

ისტორიის ამ მძიმე საათში ქართველ ხალხს არ აქვს სხვა
ლოზუნგი, გარდა: დამოუკიდებლობა ან სიკვდილი.

და ჩვენ ღრმად დანწევებული ვართ, რომ ამ ბრძოლაში
ვევლა განათლებული ხალხის თანატოლობა ჩვენ მხარეზეა.

საქართველოს მთავრობის თავმჯდომარე ყორდანია.

ამ ომმა უნდა გადასწყვიტოს, მო-
ახერხებს რუსეთი თავისი ახალი სა-
ხელმწიფოებრივი წყობილების აზია-
ში გადართმას და მით დააუბრებს
დიდი ხნის მტერს—ევროპას, განსა-
კუთრებით კი ინგლისს, თუ იგი
უნდა დაეხმარებოდეს საქუთარს,
ესლა უკვე საქმით შეგვეცილ, ფარ-
გლებით.

საქართველოში მომხდარ აჯანყ-
ებებში, საქართველოს ყველა უკანას-
კნელ ომებში გრია ხელი რუსეთის
მუშათა საბჭოთა დამხმარე ძალებისა,
ისინი ასულდგმულდნ და ეხმარე-
ბოდნ, როგორც აქარდნ და
ოსებს, ისე სომხებსა და აზერბეი-
ჯანს. საბჭოთა რუსეთის წინააღ-
მდელობა და მიმდინარე მოქმედ-
ებათა შორის მხოლოდ ის განსხვავე-
ბაა, რომ მაშინ, ოსმალეთზე ჯერ
კიდევ ჰქონდათ იმედი და, დრო-
ებით გაიმარჯვებდა საქართველო თუ
არა, უფრო მალე ხარისხიან კი-
ბედათ წინაშე ვერ იპყრობდა მთელ
ყურადღებას—ხელს უშლიდა ხან
ვრანკელი და პოლონეთი, ხან ნიშ-
ნები გერმანიაში სოციალისტურ რე-
ვოლუციის მოზდენისა.

დღეს სხვაა.

სამოქალაქო ომი შეწყვეტილია,
საზღვრებზე ზავი და მშვიდობიანო-
ბაა.

ტროცკი, ლენინი დარწმუნდნენ,
რომ ევროპის საზღვრებში რევო-
ლუციის შეტანა ინგლის-საფრან-
გეთში შეუძლებელია. დარჩათ აღმო-
საველი; და აქ საქართველო ოსმა-
ლეთთან ერთად წერტილს უსვამს,
სპობს, როგორც საბჭოთა ტერიტო-

რიების, რომ ქვეყნიერებას რევო-
ლუციის ცეცხლში გახვევს, ისე ყო-
ველი რუსის პეტრე დიდისგან ან-
დერძით მიღებულ უბედეს გეგმას,
რომ სპარსეთის სრუტეში დამეიდრ-
დეს და ინდოეთისკენ გაეკვირდეს.
უბეველია, ასეთს იღებოდათ და
მეგვიდრდობით განმტკიცებულს აზრს
აღვიღათ არაფერს მიატოვებს... ეს
მართა ძალა-უფლების თავმოყვარე-
ობა აღარ არის; აქ მართა საქარ-
თველობა არ არის იგროში, და
ბრძოლა უნდა იქნეს ხანგრძლივი და
სასტიკი. ასეთი ომი არ უწარმოე-
ბია ჯერ საქართველოს ახალგაზრდა
რესპუბლიკას. ბედნიერად გავილი-
მებს, ზოგჯერ კი ზურგს შემოგვაქ-
ცევს; მაგიერადგვიღოსა გასაცეცე-
ბულს მიიღებს გამარჯვებული მხარე.
ამიტომაც საჭირო ენერგიის გამო-
ზოგვა, გულის სიმშვიდის შენახვა,
ცდა რომ ხალხსა და მთავრობას
შორის არ შეირყეს კეთილი გან-
წყობილება.

გამომარჯვებს ის ვისაც უფრო
დიდხანს შერჩება სალი ნერვები—ო-
ფიკრობდენ გერმანელები და ხუთი
წელი გაუძლეს მთელ ქვეყანას...

ეს ომი უკანასკნელად და შეიძ-
ლებს საუკუნოვანი გადასპრის ჩვენს
მნიშვნელობას და მდგომარეობას
ხალხთა შორის.

რომ გავიმარჯვებთ, ბევრი რამ
არის თავდები: მთლიანი ერის ნების-
ყოფა, საქმე მომხადება ჩვენი ჯა-
რებისა და სხვადასხვაფერობა მო-
წინააღმდეგეთა სურვილებისა, და...
ჩვენც გვეყოლება დამხმარენი,
თუმცა მათზე დიდს იმედებს ნუ და-
ვამყარებთ.

ნაპალენი მასქეა, იდეამდამარც-
ხაო, და უნდა ვიფიქროთ ჩვენ
იდეა გავიმარჯვებს... ყოველ
ქართველს ასულდგმულს სამშობ-
ლოს კეთილდღეობა, მისი თავისუფ-
ლება როგორც საკუთარი საქმე.
მაგრამ რა მოაქროლებს მოსკოველ
წითელ არმიელს ჩვენსკენ? შეიძ-
ლება იმედი გაძლიერდა და დავლისა?
მცირე სტამბულია სასიკვდილოთ თა-
ვის გადადგმისათვის! არა მათ მო-
დენიან მათთვის გაუგებარ მიზნის-
თვის! ჩვენ კი ვაჩვენებთ ჩვენს მეო-
მარ მამულიშვილებს...

იმერული ბრძოლა, გურული ტრა-
ბახი, მეგრული გაძლიერება-გამოძრაობა
და თვით ხევსურის უებარი ვაჟე-
ცობა, რომელთაც დღემდე კიდევ
ჰქონდათ გასავალი, ვეღარ გამოგვა-
დგება... დიდ მოვლენათა შორის
მოქცეულთ გვირგვინი გამოცდილე-
ბა, ცოდნა, ნიჭი, ფართო მსოფლ-
მხედველობა და შორს მჭერეტელობა.

ქართველმა ერმა სასწრაფოდ უნდა
შემოიკრიბოს სულიერი იგი სიმდი-
დრე, თუ კი საღმე მოიპოვება,
სადაც არ იყოს მიმალული, რა
რიგ მიზნითაც არ იყოს მიჩქმალუ-
ლი, რომ არ დაგვიანოს, როგორც
სამშენებლო, დაიგვიანოს გვერდის
კენიანობის მთავარ სარდლად დანი-
შენამ.

5. ლ—ძგ.

ბრ მომსახურებით.

სომხეთიდან ჩვენმა მთავრობამ დე-
პეში მიიღო, რომელშიც სომხები
აცხადებენ, რომ არასასურველი ბოლ-
შევიკური მთავრობა უარყავით და
ეროვნული მთავრობა დაგაყენეთო.
ამ დეპეშას მიზანია აქვს ჩვენი
მთავრობა შეცდომაში შეიყვანოს.
ჩვენს მოტყუებას სომხეთი იმდენად
მიეჩვია, რომ ამდენი უბედურების
შემდეგ, ის კიდევ დარწმუნებულია,
რომ ჩვენ ჩვეულებრივ მოგვატყუებს.

მთავრობისა და მიმართულების
შეცვლა სომხეთისათვის სულ ადვი-
ლია. გინდა წითელი დროშა აუფრი-
ალებია, გინდა ყვითელი; როგორც
მოუბდება, ისე იქცევა. ეს ცხადი
ნიშანია, რომ სომხეთს ერთი გამო-
კვეთი კურსი არა აქვს; მისი პო-
ლიტიკური სახე ერთფეროვანი არ
არის. მისი პოლიტიკური კურსი საე-
სებით დამოკიდებულია გარემოებებზე
—ისე მოიქცევა, როგორც შემთხვე-
ვა მოითხოვს.

ამ შემთხვევაში სახელმწიფო თა-
ვისუფალია, იმოქმედებს, როგორც
უნდა, მაგრამ რამდენად ეს შესაფე-
რია სახელმწიფოს პრესტიჟისთვის,
რამდენად ეს მისაღება მსოფლიო
არსებობის თვალსაზრისით—ეს სხვა
კითხვაა. პრაქტიკულად ეს გზა სო-
მხეთისათვის სასარგებლოა, მაგრამ პო-
ლიტიკურად და ეთიკურად ეს გზა
სომხეთის მომავალსა და კიდევ მოს-
პობს მას, თუ ჩვეულებრივ მას ყო-
ველივე არ ეპატივა და პასუხისმგებ-
ლობაში ჩაგარდა.

რას ნიშნავს სომხეთის ასეთი გა-
დატრიალება? ბოლშევიზმის მოახლო-
ების დროს უკვე გაიჭიდა, ახლა,
როცა ბოლშევიზმი იყო მიღებული,
დამოყირებული და ზურგს გამაგრე-
ბული ჩვენ მოგვდგა და თვითონში
ლამობს შემოქრას, სომხეთი უარ-
ყოფს ვითომ ბოლშევიზმს. თუ უარ-
ყოფდა—ამისთვის დრო არა ჰქონდა?
თუ არ ეთანხმებოდა—განა შებრძო-
ლება სრულიად არ შეეძლო? და

თუ დღეს უარყოფს და მართლა
გულწრფელად მოქმედებს საღ არის
მისი სახე, საღ არის მისი მხედრობა,
იარაღი, პოლიტიკური უნარი, რომ
აქეთ წამოსულ ბოლშევიკებს ზურგ-
ში არ მოჰყავა და არ ამარცხებს? გა-
ნა მართა გამოცხადებით და ასე
უკვე შეთქმნილი დეპეშით უნდა
თავისი პოლიტიკა გააჩვენოს?

არა, აქ ჩვეულებრივი სიყალბეა.
სომხეთს უნდა შტერი ჩვენ მოგვი-
სიოს და თვითონ დაიშალოს.

თავისი ყალბი ნაბიჯებით სომხე-
სა სურსთ ბევრი რამ გაიკეთონ. ეროვნ-
ული მთავრობის გამოცხადებით მათ
უნდათ ჩვენ შეგვაცდინონ, დაგვარ-
წმუნონ, რომ თქვენ წინააღმდეგ
ბოლშევიკები მოდიან და ჩვენ მათ
არ თანაუგრძნობთ და არ ეხმარებ-
ებითო. ამავე გზით უნდათ დაანახონ
დასავლეთ ევროპის სახელმწიფოთა
მისიებს, რომ ჩვენ ქართველებს არ
გვებრძვით, ქართველებთან მართო
ბოლშევიკები იბრძვიან და თუ ქართ-
ველებმა ჩვენზე რამე სთქვენს და
მტრული გზით მოგვეტყუენ—გვიშვე-
ლეთ, გვიშველდგომლეთ და დაგვი-
ფარეთო.

თვით ბოლშევიკების მათ აღარ
ეშინათ, ეროვნულ მთავრობას გა-
მაცხადებენ, თუ სხვა რამეს ჩადე-
ნენ, სულ ერთია—ბოლშევიკებთან
მათი დამოკიდებულება გამორკვეუ-
ლია და მათგან ცუდს არ მოელოან.
ბოლშევიკებს ისინი დემოკრატია
წინააღმდეგობას არაფერში გაუწევენ
და მათ მონა-მორჩილად იქნებიან.
თუ კი ფაქტიურად სომხები ბოლ-
შევიკებს ახატონებენ, ომის დროს
ზურგს გაუმაგრებენ, თავის ქონებას

მათ განკარგულებაში გადასცემენ,—
მაშინ როგორი მთავრობაც არ უნ-
და გამოაცხადონ სულ ერთია, მით
უმეტეს თუ ტაქტიკური მოსაზრებით
და ომის გასაადვილებლად ეს კიდევ
მოეხმარებათ.

სომხეთის განცხადება ყალბია, ცხა-
დი ფარისევლობაა, აშკარა საშუალებ-
აა მოსატყუებელი და მტრის დასა-
მარცხებელი.

ეს ასე უნდა იქნეს გაგებული და
სხვა განმარტება უადგილოა.

ეს არის ჩვეულებრივი და მათგან
ნაცადი ხერხი. ეს არის მტრისკენ
ნასროლი ანკესი, რომელზედაც უნ-
დათ ნდობასა და გულწრფელობას
ნაჩვენებია ხალხი წამოაცვან.

სომხეთის ასეთი მოხერხებით და
სიყალბით ჩადენილ გადატრიალებას
არ უნდა ექნეს გავლენა ჩვენს მთავ-
რობასა და მხედრობაზე. ეს გადა-
ტრიალება უყურადღებოდ უნდა
დაესტავოდ. ჩვენს წინაშე ფაქტი
სდგას და ის უცვლელად უნდა დარ-
ჩეს ომის დასასრულამდე. ეს ის ფაქ-
ტია, რომ სომხეთმა ბოლშევიკები
მოგვისა და თვითონაც მათთან არის.
სომხეთი ჩვენს დაღუპვასა და მოს-
პობას ცდილობს—ეს კარგათ ესმის
დღეს ჩვენს მხედრობას და ამ რწმე-
ნას მას ვერ შეურყევთ.

ჩვენმა ჯარმა ბრძოლის ველზე
გამოცდილებით მიიღო ეს რწმენა
და კიდევ აართვა ადლო მომენტს.
დამლობათა ყველგან სახიფათოა
და სომხეთის ხომ სრულიად მიუღე-
ბელია.

გადატრიალებამ არ მოგვატყუოს.

ტრიფონ ჯაფარიძე.

დეპეშები.

საქართველოს დეპეშათა სააგენტო.

თბილისი 20 თებერვალი. გენე-
რალური შტაბის ცნობა.

მტრის კოლონები, რომლებიც
თავისუფლად უვლიდნ ჩვენს ფრთას,
გაიქცნენ.

ჩვენ დავიკავეთ საღური ვახიანი.
მტრის რომელიც გვივილიდა ამ რაი-
ონში, ჩვენი პაერობლანებიდან ეს-
ვრიან ყუმბარებს. კოჯორის რაიონ-
ში ჩვენ წამოვიყვანეთ ტყვეები, წა-
მოვიღეთ იარაღები და ტყვეისმფრქვე-
ვლები. მტრის დგენა გრძელდება.

გაგრის რაიონში მდინარე მუხა-
დირთან ბრძოლაა.

კახეთში გასულ დღეებში მო-
წინააღმდეგეს აქტივობა არ გამოუ-
ჩენია.

19 თებერვალს შედგა პირველი
სხდომა განსაკუთრებულ სამხედრო
სასამართლოსი. დახურულ კარებში
გაიჩნა საქმეები საქართველოს რეს-
პუბლიკის გენერალური შტაბის
მწყობრი გუნდის ყოფილ უფროსის
კ. ვ. ივანოვისა და რუსეთის გენე-
რალური შტაბის ყოფილი ოფიც-
რის ვ. ა. გოხისა; ბრალდებოდათ:

ივანოვს—სახელმწიფოს ღალატი,
გოხს კი—ჯაშუშობა. სახელმწიფო
თათბირის შემდეგ სასამართლომ გა-
მოიტანა საბრალმდებლო განაჩენი,
რომლითაც ივანოვი იცნეს შეღავა-
თის მიცემის ღირსად და მიუსაჯეს
8 წლის საკატარო სამუშაო, გოხს
კი სიკვდილით დასჯა დახვრეტით.

რომელიც მოიყვანეს სისრულეში 20
თებერვალს დილის 7 საათზე.

მთავრობამ 19 თებერვალს დაად-
გინა: საქართველოს ყველა ქვეშევრ-
დომები, რომლებიც ხელმძღვანელო-
ბდენ საქართველოში მტრის მუხანა-
თურ დაცემას, იღებდნ უშუალო
მონაწილეობას დაცემაში, აძლევდნ
რაიმე დახმარებას მტერს, გამოცხა-
დებული არიან საქართველოს რეს-
პუბლიკის კანონთა მფარველობის
გარეშე და მომქმედ კანონების თა-
ნახმად ჩამოფრთხევით ყოველგვარი
ქონება.

მთავრობის თავმჯდომარისა და
დამფუძნებელ კრების სახელზე მო-
დის დეპეშები, რომლებიც მოწმო-
ბენ ხალხის ერთსულოვან აღფრთო-
ვანებას. ყველა შეერთებულია სამ-
შობლოსადმი სიყვარულში და სამ-
შობლოს დაცვისათვის მსხვერპლის
მოტანის სურვილში.

მტრის ზურგში აჯანყებები. გი-
მიადინის რაიონში მოხდა შეტაკება
ადგილობრივ მცხოვრებლებისა ბოლ-
შევიკებთან. ყველგან დაამარცხეს
უკანასკნელები წამოიყვანეს ტყვეთ
500 კაცი. აჯანყება მოხდა ახალი
მთავრობის დაცვის ლოზუნგით.

ყარაბაზში დაიწყო დიდი აჯან-
ყებები ბოლშევიკების წინააღმდეგ
ცნობილ თურქ კიაზიმის მეთაურო-
ბით.

თქალყურის აღმშენებელთა ლაშქარის ბრძანებები

ბრძანებები

თბილისი. 20 თებერვალი. ზან-გეზურში გმელდება მცხოვრებთა საერთო აჯანყება.

აჯანყება დასრულდა. ზან-გეზურში დაიკავეს 30-დენო. აჯანყებულთა მეთაურია შამილის შვილიშვილი.

დაიწყო აჯანყება განჯის რაიონში.

თბილისი. 20 თებერვალი. საღამოს 7 საათი. ღელს ქემალისტებმა კარაგისი აიღეს.

თბილისი. 21 თებერვალი. დილის 8 საათი. ჩვენ წამოვიყვანეთ ტყვეთ 200 კავალერისტი, 900 ქვეითა ჯარის კაცი. რამოდენიმე ზარ-ბაზანი და ტყვეისმფრქვევლები. ჩვენ ჯარი წინ მიიწევს.

თბილისი 17 თებერვალი. ნაშუადღევს 4 ს. 13 წ. — თბილისის ქალაქის თვითმართველობა გვაუწყებს: ქალაქის ტრამვაის მოძრაობა შეჩერებულია, ვინაიდან მოსამსახურეები და მუშები ტრამვაისა წავიდნენ რესპუბლიკის დაცვის მოხალისეთა რაზმებში.

თბილისი 16. რესპუბლიკის ჯარები გამაგრდნენ თბილისის გამაგრებულ პოზიციებზე, რომლებიც დაზარებულია მოწინავე ნაწილებისაგან.

ქალაქის თვითმართველობამ მიიღო გადაწყვეტი ზომები იმ გაქრების წინააღმდეგ, რომლებიც ხელოვნურად სწევენ ფასებს სურსათ-სანაღვამზე. სურსათ-სანაღვამის ნივთების სპეკულიაციაში შენიშნული პირები გადაეცემიან გენერალ-გუბერნატორის განკარგულებაში.

ქალაქის თვითმართველობამ მიიღო სასწრაფო ზომები დაპირილ და ავადმყოფ მემორების გადაყვანა-გადმოყვანის მოსაწყობებლათ და შესასუბუქებლათ. საღმურ ნათელურად მიღებული ტრამვაის ხაზი დატოვებულია უმტკივნეულოთ გადაყვანისათვის.

გენერალ-გუბერნატორის ბრძანებით შედგა სამხედრო კრება; სხდომა დაიწყო ნაშუადღევს 2 საათზე. ბევრს მოელის დახვრეტა. მათი სახელი და გვარი ცალკე იქნება გამოკვეთებული.

მოხალისეების სამობლიზაციო ბაურომ სასახლეში ნაშუადღევს 2 საათზე მიიღო ღია წესით მოხალისე ჯარის კაცები და ოფიცრები 3000 კაცი. საფრანგეთის პოლკოვნიკი ხორი უკვე გამგზავრა ფრონტზე ამ მოხალისეებით.

დიდი უმეტესობა სტუდენტობისა ჩაეწერა მოხალისეებათ. სტუდენტ-მოხალისეთა რაზმი, რომელიც მიდის ფრონტზე ათასს კაცზე მეტია. მთელი დღის განმავლობაში სამობლიზაციო ბაუროში შემოდის მოქალაქეთაგან შემოწირულების სახით სამხედრო საქმის საქარო ნივთები. შემოწირულებათა შილდება გრძელდება.

დამფუძნებელ კრებამ გამოუშვა მოწოდება, რომლითაც მოუწოდებს მოქალაქეებს გამოიყვანონ ქულები კაცი სამშობლოს დასაცავათ.

თბილისი თებერვლის 18 საღამოს 7 საათი.

თბილისი 18 თებერვალი. გენერალური შტაბის ცნობა. თებერვლის 17-ს მთელი დღის განმავლობაში ჩვენი მდგომარეობა თბილისის დაცვაში ძლიერ შეიცვალა ჩვენს საარგებლოთ. მტრის შემოტევა შეჩერებულია, ლავრდისა და შირაქის ველებში ბრძოლა.

გორი. თებერვლის 17. მთელი ქართლი ფეხზე დადგა, როცა გაიგო

სამშობლოს შიში მდგომარეობაში ყოფნა. მისი საუკეთესო შვილები ეწვერიან მოხალისეებათ ჯარისა და გვარდიის ნაწილების შესასვლათ, რომლებიც მზად არიან თავი შესწირონ სამშობლოს.

ეწეობა მოხალისეთა რაზმები გამოცდილ მემორ ფურცელთა მეთაურობით.

რაზმები გაემგზავრებიან ფრონტზე. ყველას წარმოუდგენელი სულიერი სიმტკიცე და რწმენა ემჩნევა. ყველა აღელვებულია და თვალცრემლიანი ფიქრობს მხოლოდ ქალაქის თბილისზე. მცხოვრებთა ყველა წრეები მზად არიან მსხვერპლათ მოიტანონ თავისი თავი სამშობლოსათვის. თბილისის ჩვენ არავის დაუთმობთ. ყველა: ერობები, ქალაქები, აღმინისტრაციული მთავრობანი, პარტიული ორგანიზაციები, კორპორაციები და მთელი ხალხი თავდაცვის მუშაობით არიან გაერთიანებულნი, სრული სიმშვიდე შეფიქრებს. ყველა სახელმწიფო, საზოგადო დაწესებულებანი და მოსამსახურეები შეგნებულათ ღვანან თავის ადგილებზე, შეუჩერებლად მუშაობენ. ყველა, მთავრობასა და დამფუძნებელ კრებასთან ერთად ყოველ წუთში მზად არიან თავი შესწირონ რესპუბლიკას. ქულებში და ყოველგან გაისმის მხოლოდ ერთი: „მტრებს შეუძლიათ გადაიარონ ხალხის მხოლოდ გვამებზე, მაგრამ მტერი ვერასოდეს ვერ იხილავს ჩვენს სამშობლოს და მის შვილებს დამარცხებულთ. ყველანი ღრმად არიან დაწმუნებული გამარჯვებაში.

თბილისი. 18 თებერვალი. ერობებს, დაუყონებლად შეადგინეთ რაზმები. წადით ფრონტის დასახმარებლად.

ხევისურებმა სასწრაფოდ შეადგინეს ძლიერი რაზმი, რომელიც უკვე გამგზავრა ფრონტზე. თელავისა და სიღნაღის მარცხები „ქულები კაცი“ შეიარაღდნენ. სოფლებს გამოაქვთ დიდგენილები: ან სიკვდილი, ან გამარჯვება.

— ადგილობრივ თათრებმაც შეადგინეს დიდი რაზმი.

მოწოდება პროფეს. კავშირის აღმასრულებელ კომიტეტის საბჭოსი — საქართველოს ყველა მუშების ორგანიზაციებს: ამხანაგებო! საქართველოში შემოიკრნენ საზოგადოებრივი საქმითა სომხეთის მიემატა საბჭოთა აზერბეიჯანი და გამცემლურათ დაგვეხენ თავს. დაცემაში მონაწილეობას იღებდნენ საბჭოთა რუსეთის ჯარები.

დაცემის მიზანია საქართველოს დამოუკიდებლობის აღდგენა, მისი დამოუკიდებლობის მოსაზრება, სიკვდილის შიშის ქვეშ დაყენოს თავისუფალი ხალხი. ყველამ ფეხზე დადგით დემოკრატიული რესპუბლიკის დასაცავათ. დაუყონებლად ჩავდგეთ მებრძოლთა რიგში და ავამხედროთ ყველა მემორალი ხალხი, მთელი ერი. ეხლა არ არსებობენ ცალკე პარტიები და ორგანიზაციები, არამედ საქართველოს ფრონტის დამცველნი ერთიანად. ამხანაგებო ერთი წუთითაც არ შეჩერდეთ, შეადგინეთ მოხალისეთა რაზმები, რომლებიც ჯარსა და გვარდიასთან ერთად დასცემენ მტრს სასიკვდილო მხეხილს. ჩვენზეა მოპყრობილი მთელი კაცობრიობის ყურადღება. საქართველოს საზღვრებზე წყლებს საკითხი არა მარტო ჩვენ, არამედ ბედი მთელი საერთაშორისო დემოკრატიისა. და ამ ნაირად წინ, გამარჯვებისაკენ, ამხანაგებო, ჩვენ უნდა გავიმარჯვოთ და გავიმარჯვებთ კიდევ. ამის თავდებია ერთსულოვანება და აღფრთოვანება ხალხისა. ძირს შავი ძალები. გაუმარჯოს ჯარისა და გვარდიის. გაუმარჯოს საქართველოს.

თბილისი. 19 თებერ. გენერალური შტაბის ცნობა. 18-დან 19 თებერვალს ღამით მტერმა დიდი ძალებით შემოუტია ჩვენს პოზიციებს.

თბილისის მიმართულებით, მთელი ღამე გრძელდებოდა გამწვავებული ბრძოლა. 19 თებერვალს დილით მტერი სრულიად დაშორდა და უწყვეტიდ გარბის. მტერმა დიდი ზარალი ნახა. ჯერ ხელთ ვიგდეთ 1000 ტყვე. ბევრია დახოცლი.

შინაგან საქმეთა მინისტრმა დაუგზავნა აღმოსავლეთ საქართველოს საგენერალ-გუბერნატორს, აფხაზეთის კომისარიატს, მთავრობის განსაკუთრებულ რწმუნებულს ბათუმის ოლქში, მაზრის და ქალაქების მილიციასა უფროსებს შემდეგი ცირკულიარული განკარგულება: თანახმად მთავრობის დადგენილებისა, რომლითაც აზერბეიჯანისა და მთიულთა კომიტეტი ცნობილია აზერბეიჯანის და მთიულთა რესპუბლიკების ხალხის ნამდვილი ნების გამოხატულებათ. ბრძანებს კანონიერად დახმარება აღმოეჩინოს ხსენებულ კომიტეტს აზერბეიჯანის და მთიულთა რესპუბლიკების მოქალაქეთა ჯარში გაწვევის საქმეში.

ეროვანი 19 თებერვალი. დილით საქართველოს მთავრობის თავმჯდომარის ყორღანისა და გარეშე საქმინ. მოადგილის საბახტარაშვილის სახელზე მიღებულია შემდეგი რადიო ტელეგრამა:

სომხეთის მშრომელ მასებმა ველარაიტანეს კომუნისტების შიში უღელი 18 თებერვალს აჯანყდნენ, როგორც ერთი კაცი. გმირული ბრძოლით ჩამოაგდეს ბოლშევიკების ბატონობა და აღადგინეს მშობელი მთავრობა, ძალა-უფლება ახალი მთავრობის შედგენამდი სამშობლოს გადარჩენის დროებით კომიტეტის ხელშია. გატარებენ რა ამის თქვენ და საქართველოს დემოკრატიას, სომხეთის ხალხს იმედი აქვს, რომ ქართველ ხალხს არ შეეშინებოდა ის განსაცდელი, რომელიც წილად ხვდა სომხეთის დემოკრატიას. სამშობლოს

ახალი ამბები.

ტუსაღების ჩამოყვანა. 19 თებერვალს ქუთაისში ფრონტიდან ჩამოიყვანეს სამი გუნდი ტყვე ბალშევიკი ჯარის კაცები თითო გუნდი შესდგაოდა 206 კაცისაგან. უმთავრესად ისინი შესდგებოდნენ რუსებისა და სომხებისაგან ტანზედ ძალია ცუდათ აცვიით ერთი შესწვლულობით მათ შეატკბოთ რომ მოალაღულნი არიან.

დატუსაღებული საკონსულო. 19 თებერვალს ქუთაისში ბათუმიდან ჩამოიყვანეს ბათუმევიკების საკონსულოს მოხელეები და მათთან სხვა დატყვევნი ბალშევიკებიც.

დემოკრატიული პარტიის რაზმის გამგზავრება. 19 თებერვალს საღამოს 9 საათზე ჩვენი პარტიის რაზმის პირველი გუნდი გამგზავრა თფილისისაკენ. გამგზავრების წინ მათ შემოიარეს ქალაქის უმთავრესი ქუჩები მჭკრივად და დროშით, შემდეგ მაგიდენ სადგურზედ, სადაც მათ წარმოსთქვეს რამოდენიმე მხურვალე სიტყვა. წასვლის დრომაც მოაწია. მატარებელი დაინძრა. „ვაშა“ და „გაუმარჯოს საქართველოს“ ძახილით მომორდნენ სადგურს, მათ თან წავიდა აფირები ნაქაშიძე და შავგულიძე.

სანიტარული რაზმის შედგენა. დემოკრატიული პარტიის სამხედრო შტაბი შეუდგა სანიტარულ რაზმის შედგენას. დღემდე ჩაწერილი 30 ქალი და კაცი. უმთავრესად წვერებათ ლეზღულები გამოცდილ პირებს. გამოუცდელთათვის ლექციებს სანიტარულ დარგებიდან ღვში ორჯელ კითხულობენ ექიმები. ჩაწერა გრძელდება.

გადარჩენის კომიტეტმა საქართველოში სომხეთის დროებითი დიპლომატიურ წარმომადგენლათ დანიშნა ტ. ბეგზადიანი, რომელსაც გთხოვთ აცნობოთ მისი დანიშვნის შესახებ, და რომელიც საქართველოში და შეუდგეს თავის მოვალეობათა ასრულებას.

უკანასკნელი ცნობა.

თებერვლის 20, შუადღის 12 საათი.

თბილისიდან მთავარი შტაბი იტყობინება: დღეს მარჯვენა და მარცხენა მიმართულებით მტერს უკან დაეხვეით. წამოვიყვანეთ 500 ტყვე-მტერს წავართვი ტყვის მფრქვევლები და ზარბაზნები.

გუშინ ღამის 10 საათზე საქართველოს დემოკრატიული პარტიის მოხალისეთა რაზმის პირველი ეშალონი უკვე გამგზავრა ფრონტზე. ისინი წავიდნენ გვარდიის ნაწილებთან ერთად. სადგურზე დიდძალი ხალხი დაესწრო მათ წასვლას და ტაშით, „ვაშას“ ძახილით და მუსიკით გააცილნენ. იყო სიტყვებიც.

მიუხედავად იმისა, რომ ჩვენი სახელოვანი ჯარი და გვარდია, როგორც დღევანდელი დებეშებიდან ჩანს, წინ მიიწევს და მრავალრიცხოვან მტერს გმირულად ებრძვის, ზურგში ჩვენი ქვეყნის მტრები და პროვოკატორები ათასგვარ ჭორებს ავრცელებენ, რომელიც სინამდვილეს სრულებით არ შეეფერება. მაშულიშვილო! თვალყური ადევნეთ პროვოკატორებს და პირველ შემთხვევისთანავე ეცადეთ წარუდგინოთ ისინი სამხედრო შტაბებს.

სულ უკანასკნელი ცნობით ჩვენები უტყვენ მტერს.

გორაკალოს და თბილისის თათართა რაზმი.

თბილისი. 18 თებერვალს „საქართველოს“ რედაქციაში საღამო მოთავსებულია საქართველოს დემოკრატიული პარტიის სამობლიზაციო ბაურო გამოცხადდა ბორჩალოელ და თბილელ თათართა რაზმი პოლკოვნიკ ედიგაროვის წინამძღოლობით. მუსულმანებს მიესალმა საქართველოს დემოკრატიულ პარტიის სახელით სამობლიზაციო ბაუროს თავმჯდომარე დ. ვანჩაძე და მთავარ კომიტეტის წევრი ალ. ასათიანი. საპასუხო სიტყვაში ედიგაროვმა განაცხადა, რომ ბორჩალოს მუსულმანები მუდამ ერთგულნი იყვენ ქართველი ხალხისა, ერთგულათ იცავდნენ მის სატახტო ქალაქს და ეხლაც პირნათლად შეასრულებენ თავის მოვალეობას.

ზურგის უფროსი.

ტფილისის რაიონში ზურგის ღეროსად დაინიშნა ტფ. პილიციის უფროსი პოლკოვნიკი ვ. სულაქველიძე.

ამერიკის კომიტეტში.

თებერვლის 17-ს ტფილისიდან ზოგიერთმა გაიქცნენ. ამ გაქცეულთ თანახმად ტფ. საბჭოს ხმოსანთა საგანგებო სხდომის დადგენილების ბინები ჩამოერთმევა და გადაეცემა ქალაქის საბინაო განყოფილების განკარგულებაში.

პ რ ე ს ს ა.

დღეს ჩვენ შეგვიძლია თამაშ-მოდესთვათ, რომ, უნდა მოხდეს და რა ხასიათიც უნდა მიიღოს ჩვენმა ომმა შემოსეულ ურდოებთან, ჩვენი საბოლოო გამარჯვება უზრუნველყოფილია.

მოსდა ის, რაც გამარჯვების მომსაწვებელია, მისი წინამორბედია. ხალხმა აშკარად იგრძნო საბედისწერო მომენტი და, როგორც ერთი კაცი, გამოვიდა, რესპუბლიკის დასაცავად. თავის მხრივ დედა-ქალაქმა თფილისმა საომაო სახე მიიღო. ამ უკანასკნელ დღეებში ის გადაიქცა საქართველოს ნამდვილ გულად და მთელი თავისი ძალები აამოძრავა, მოქმედებაში მოიყვანა, დარაზმა და ფრონტს ღირსეულად ზურგი გაუმაგრა.

პროვინციამ ჩვეულებრივი მხნეობით და მდგომარეობის შეგნებით შეასრულა და ასრულდეს თავის დანიშნულებას. ყოველ საათობით ახალ ახალი ძალები ემატება ჩვენს გმირ მებრძებს და ღვება უდიდესი ფრონტი.

საქართველოს რესპუბლიკის საზღვრებში ბრძოლა არ არის ადგილობრივი, თუნდაც ამიერ-კავკასიის შინაშენელობის.

მის შედეგებს ეძლევა მსოფლიო ხასიათი. თფილისის მიდამოებში უნდა გადაწყდეს „კომუნისტების“ ბედი მთელს აზიაში.

ამ ახლად მოვლინებულმა იმპერიალისტებმა საქართველოს რესპუბლიკის ფარგლებში უნდა პოვონ თავიანთი მესაფლავე და ეს მესაფლავე იქნება საქართველოს დემოკრატია. დღეს არა მარტო სიტყვით, არამედ საქმიანად დამტკიცდა, რომ ქა-



ქართული

ხ ე ლ ი ხ მ ა ლ ს ი კ ა რ !

ქართული
გიგლიორთიკა

რთველ ხალხში "კომუნისტებს" აბრავითარი გაგონება არ ჰქონიათ. მთელს რესპუბლიკაში მათ არ აყვავდა არც ერთი მოქალაქე ეს უდიდესი და ისტორიული გამარჯვება საქართველოს ცოცხალი, მომავლი და დარბაზული დემოკრატიის აღვირ წახსნილ ანარქიზმზე.

ჩვენ დარწმუნებული ვართ, რომ კომუნისტების აზიური პოლიტიკა თავის სამარცხნავს თვითღიშის კვლავობაზე, როგორც ვარშავის მიღმა მოგზაში დაიმარხა მათი ევროპული პოლიტიკა.

დემოკრატიის შეურყეველი მუშაობა, მუდმივი სიფხიზლე, გაბრუნების დროს სრული სიმშვიდე—აი რა არის საქირა დღეს და გამარჯვება უზრუნველყოფილია!

„სახალხო საქმეში“ მოთავსებულია შემდეგი მოწინავე წერილი:

„ერთი ზღვრიდან მეორემდე ერთ ფიქრსა ჰფიქრობს“.

საქართველოს ყოველ კუთხეს მიმალწია ელვის სისწრაფით ცნობა, რომ სამშობლო განსაცდელშია, რომ ტფილისი ხეფათშია ჩავარდნილი, რომ ქართველი ერის თავისუფლება ბრძოლის სასწრაფოა დაღებული და მთელი საქართველო, მთელი ქართველი ერი დღიდან-პატარიანად დღე და გულთანად ფეხზე დადგა და ახლარ ასხმული განემზადა სამშობლოს დასახსნელად წმინდა მსხვერპლის მისატანად. მტერს ეგონა, რომ მისი დროებითი წინსვლა შიშის ზარს დასცემდა ქართველობას, თავგზას აუბნევდა, არე-დარევის გამოიწვევდა და ამ რიგად სულ აღვირულად შემოვიდოდა ჩვენს დედა ქალაქში და მის მალღობებზე აღმართავდა მონაბის, დარბევა-აწიოების და განადგურების დროშას. თავხედნი! მან იცოდა, რომ თავისი მზაკვული შეტევით სულ საწინააღმდეგო შედეგებს მიღწევდა, მან არ იცოდა, რომ მის მიერ გამოსროლილი ყუმბარები მათვე უთხრიდნენ სამარცხს, რომ მათი ომის ცეცხლი მათვე მსწვავდა თავლებს. „ტფილისი საფრთხეშია“—თითქმის ცხელი შანთი გაქტარებინოს გულში, ისე აღმოხდა კენესა ყოველ ქართველს, მაგრამ უმაღლეს ჩაიკლა ეს გულის გმინვა, უმაღლეს დიუქია ეს იარა და სწრაფად, სასწაულებრივ თოფს მიაშურა ხელი: ან სიკვდილი ან გამარჯვება. რისაკვირებელია, ის ერი, რომელიც კავშირებისთვის სიკვდილს თვალს უსწორებს, თავის მკერდს აგებებს ტყვიას—ის ერი არ დამარცხდება, ის ერი, არასოდეს მოკვდება—ასეთ ერს „უთხზავს გვირგვინსა დიდებისა მისივე ზედი“. შიშის ნაცვლად აღფრთოვანება და თავდადება, არე-დარევის ნაცვლად სრული წესრიგი და მოწყობილეს ორგანიზაცია, ქედის მოხერხის ნაცვლად შეტევა და მტერზე გულდაგულ მისვლა—აი რას იმკის ვერაფერი მტერი. სამშობლოს სიყვარულით გულანთებული, თავგანწირვის ნდობით გაღომებული საქართველოს მხედრობა აჩერებს მოღლილ მტერს და ღილი ზარალს აყენებს.

მთელი საქართველო შეირბა, შეტარტმანდა, მთა და ბარი, ქართლ კახეთი, იმერ-აშერნი მოგმართებიან სამშობლოს დასახსნელად, ტფილისის დასაცავად. ერთობილი საქართველო, გაერთიანებული ერის აზ-

რით, ერთის მისწრაფებით, შედეგებული ერთის წმინდა და დიდი გრძნობით „ერთ ფიქრსა ფიქრობს, და ეს ფიქრია ჩვენი ერის თავისუფლება“.

გვწამდეს, რომ ჩვენი ერის თავისუფლება არ გახდება მტრის გასაქელი და მტერისა წავი ურდოები დამარცხებული და შერცხვენილი სიმწარით და ბოღმით თვითვე დაიჩიქნიან ფრხილებით თავის თვალებს.

დიდება საქართველოს!

ახალგაზრდა მამულიშვილთა ამოცანები!

ქართველი ერის ცხოვრება, საქართველოს ისტორია—ეს ის მკვლევარი გვყავს, რომელიც თავის მკვლელს დაგხატავს თვალწინ ორმაგ სიმბოლოთა:

ყოფნა, არ ყოფნა, გვირუკის სიკვდილი, თუ დატანჯული სიცოცხლე. სხვის უფლის ქვეშ ყოფნა, სხვის მონაობა, რომელიც თუმცა დროებით მშვიდობიან ცხოვრებას ანიჭებდა, მაგრამ სული, გრავნულ სახის გადაგვარებას უქადა.

მუდმივ თავისუფლების მოტრფილ და სამშობლოს სიყვარულის შეგნებით კი წმიდა მამულიშვილი ქართველი ამ ორ გრძნობიდან ყოველთვის გმირულ სიკვდილს აირჩევდა, რომელსაც პოეტის სიტყვებით დამთავრებდა: „სჯობს სიცოცხლესა ნაძრასსა სიკვდილი სახელოვანი“. და ამ თვისი შეუდრეკელი ღირსებით, წმიდა მამულიშვილი სიყვარულით და შეგნებით ის ყოველთვის იხსნიდა ხოლმე თავის სათაყვანებელ სამშობლოს მომღვაწე გადაგვარებიდან, თუმცა კი ეს მისი ზნეობრივი გამარჯვება, ერის მთავარ ფიზიკურ ძალას შეიწირავდა ხოლმე. და ეს იყო მიზეზი, რომ საქართველომ მოიტანა ამ დრომდე უმაღლესი სისხლის წვეთებით დაწერილი ისტორიის ფურცლები, არ დაკარგა თავის სახე, თვისი წარსული თვითცნობიერება და თუკი ისტორიულმა ქართველობამ ის დაზიანა, ის ამ დაზიანებულ ნაწილსაც მალე გამოამთვლებს საქართველოს წარსულ ტრადიციით, ისტორიით გაბეჭდილებულ მისწრაფებამ, მისი წარსულის სახის დაბრუნების სურვილმა, გადაიღობეს და დაამსხვრევია საქართველოს რუსეთის მიერ დაღმუღმ მძიმე მონაბითი პოლიტიკა, რომ საქართველო გადაგვარება და ძველ ისტორიულ ნაშთებზე ორი რუსეთის გუბერნია აეგო. და რუსეთს ამ მისმა პოლიტიკამ ამსხვრელებია თვისი მახინჯი, ძალმომრეობაზე დამყარებული ქვედახური მიზანი, რომელმაც ამოძრავა მთელი ქართველი ერი, ქართველის თავმოყვარება აღზდა, ცეცხლათ აენტო ქართველის გულში და მან ასეთ ვერაფერ პოლიტიკას დაშოუკიდებლობის გამოცხადებით უბასუბა.

აქედან იწყება შეგროვებული საქართველოს ისტორიის რგნესანი. საქართველო დადგა თვის დამოუკიდებელ სახელმწიფოს შექმნის გზას, მაგრამ აქ ახალმა ისტორიულმა მტრებმა წამოყვეს თავი, რომელიც დღეს ბოლშევიკურ ნილაბით რუსეთის პოლიტიკის მანტიანა გაშვებული საქართველოს წინააღმდეგ მოქმედებინ და როგორც მათ

სწევიათ: მუხანათური ქურდული დაგდასხმით ფიქრობენ ავაზაკურ, შურით აღსავსე მიზნის მიხედვას; დღეს საქართველოს გაბრუნება საშინელმა შურით ამღვრულმა ოკეანეს ტალღებმა გატატორითი ისრების სროლა დაიწყეს საქართველოს კუნულის წინააღმდეგ, დღეს პირველმა „წითელმა სომხეთმა“ აღმართა მისთვის შავი დროშა საქართველოს წინააღმდეგ და „არშინით“ მოზომა მისი სამოქმედო გეგმა საქართველოს განადგურებისა; და ამ მგლურ ღრეკას აყვავდა ველური, პირველყოფილი, ბრბოული ჰანგებით გაწითლებული აღდგენილნი, რომელმაც აღიარა სომხეთთან კავშირი და მგელმა ცხვართან დაიწყო ვითომც ცხოვრების „მშური“ მოწყობილება, მაგრამ ვერა ბატონებო! საქართველოს არსებობის დაცემას ვერცინ შესძლებს.

ის ერი, რომელიც მუდმივი სათელი იყო აზიის ველურობის და რომელმაც შესძლო ამის გადატანა; ის ერი, რომელსაც აქვს თვისი წარსული ისტორია, თვისი წარსული ეროვნული სახე არასდროს არ მოკვდება. ის ერი რომელმაც აზიის პირველყოფილ სიბნელის ძილში წამოაყრა მაღლა თავი და გენიალურ პიროვნებებთან განაგრძო მსოფლიოს წარმოდგენის სახე და რომელმაც ეს აზრები იგი განაშტეტა მის მეცხოვრება გულში. რომ თვით საშინელ სიკვდილის წინაც ქართველი ამ გენიალურ სიტყვების აგონიით ამთავრებდა თვის მაღალ მამულიშვილურ მოვალეობის მოწოდებას, ამ ერის გულიდან ვერცინ ამოხერხის ამ მის წარსულით აღტიკნებულ გრძნობას და სანამ ერთი ქართველიც კი იტოცლებს ეს გრძნობა იარსებებს მის გზის მანათობლათ.

და დღეს დადგა ის წუთი, რომელმაც მთელი ქართველი ერი კვლავ ერთი გრძნობით, მამულიშვილური სიყვარულით ამოძრავა.

დღეს მთელი საქართველო ერთის იდეით გაიმსჭვალა და დაანახევს ყველას; რომ მას შეუძლია მოთმენა, მაგრამ თუ კი ეს საზღვარს გადასცილდა, იგიც გადასცილდება თვალსაზრისწივრებრივ ტრადიციანე ამოქრულ დასვენას.

„სამშობლოს არვის წაგართმევთ, ნურც ჩვენსაც გვეცილებინა“, და ეს იქნება მაშინ, როდესაც მოთმინების ფილა აღივსება, მაშინ საშინელი კოკონი დაინთება, საქართველოს მტრთა გოლ-ღვიძლები, რომელშიდაც დაიწვება ყველა საქართველოსადმი მიმართული მუხანათური, ქურდული მისწრაფებები, მათი გამსაღებლებით. და ამ მიზნის დაგვირგვინება კი ახალგაზრდობამ უნდა იღოს თავის თავზე. დღეს მთელი ქართველი ფიზიკურათ შეძლებული ახალგაზრდობა მთლიან ერთის იმპულსით ატარტმანებული უნდა დადგეს საქართველოს საღარჯოს პოსტზე და იქ უნდა დაეკიოს მან თვისი წმიდა სიხლი, რომელშიდაც უნდა ჩაახრჩოს საქართველოს ველური მტრები. დე, კვლავ გაისმას ომის საყვირის ძახილი, ეს ქართველ ახალგაზრდობას კი არ დასცემს სულიერათ, არამედ მას აღაფრთოვანებს; შევეწირათ მსხვერპლათ ჩვენ სამშობლოს ოღონდ ნუ ვიხილავთ მას ღმრჭ ახდის; დეი დავიხილოთ ყველა ბოლის ველზე, ოღონდ ნუ

ვინახეთ კი ჩვენს სამშობლოს ველურ, ბრბოულ გრძნობებით გადაგვარებულს და მომსპარს სულიერათ; დღეს უნდა ჩვენი სამშობლოს წარსული ლეგენდა და საქართველოს მომავალმა ამ საშინელ ამღვრულ ოკეანის ტალღათა შუა უნდა აღმართოს თავისუფლების რეიდის კუნძული, რომელიც ყველას შეიფარებს. და ჩვენი ლოზუნგი: ან სიკვდილი, ან გამარჯვება.

ბ. პირველი.

პრესის გაშიერი.

ჩვენი რესპუბლიკის დღევანდელი მდგომარეობა მთლიან საშინაო ფორტს მოითხოვს. ვრთსულოვნება და ყოველგვარი პარტიული სახით გამოსვლა შეჩერებული უნდა იქნას. ამას მოითხოვს ჩვენი ქვეყნის ინტერესი და აწინდელი ვითარება. ეს დღეს საქართველოში ყველამ შეიგნო, ვერ შეუგნია მხოლოდ ვაზ. „სოც. დემოკრატს“. მან პირველმა დაარღვია მთლიანი ერთსულოვნება, როცა ასეთი კორესპონდენცია დაბეჭდა: „ერთგულ დემოკრატები ჩვენზე ათასგვარ პროვოკაციულ ხმებს ავრცელებენ იმ მიზნით, რომ წყალი ამღვრიონ. ხალხს ნაწამლი თევზით თვალები აუშნიონ (!) და შემდეგ ამ ამღვრულ წყალში თევზების ქერას თავისუფლად შეუდგნენ“...

ქვევით აკინძულია ჩვეულებრივი სოც. დემ.-ლი მარგალიტები: „ყოფილი მემამულე“, „მამასხლის პოდრაზიკები“, „ლაზრები“ და სხვანი.

ვარწმუნებთ „სოც. დემოკრატს“ პარტიულ რედაქციას, რომ ჩვენც ბევრი გვაქვს დასაბეჭდავი მასალა სოც. დემ.-ტების წინააღმდეგ, მაგრამ ჩვენ ეს შევაჩერეთ და არც დაბეჭდავთ, სანამ ჩვენს სამშობლოს გარშემო საფრთხე ემუქრება. მთელი ჩვენი გულისყური ახლა იკითხნაა მიმართული, სადაც საქართველოს ბედი წყდება. ასეთ დროს „საშინაო ჭრონის“ შენიგულება არავის ებატება.

პერკო სნობაში.

თბილისი. 18 თებერვალს იყო შიში, ვინაიდან ბრბოლა იყო თბილისის მახლობლად კოჯორის მხარეზე.

19 თებერვალს კი დილიდანვე დაახვედს მტერს 20 ვერსის მანძილზე კოჯორის მიმართულებით.

ბათუმი. (ადგილობრივ გაზეთებიდან და სხვა სარწმუნო წყაროებიდან).

გახსრეკს აზერბეიჯანის, სომხეთის და რუსეთის საკონსულოები, დაატყვევს მათი ყველა წვერები და გაგზავნეს ქუთაისში. აზერბეიჯანის კონსული მიიშალა. გახსრეკის დროს აზერბეიჯანის საკონსულოში ნახეს 23 ვინტოკა, ყუმბარები და ტყვიები; რუსეთის საკონსულოში საპატიო ადგილზე იყო ჩამოკიდული ნიკოლოზ მეორეს სურათი.

ხმებია, რომ სტამბოლში ანტანტის ჯარები გეგმაში ჩასვენ და ფიქრობენ შავი ზღვის ერთ-ერთ ნავთსადგურზე გადმოსხან.

ბათუმში შაბათს მოელოდნ საფრანგეთის კრესისკრს „ვალ-დე-კრუ-

სოს“, კვირას კი—ინგლისის ესკადრას.

იყო ხმები, რომ არტანის მახლობლათ გაიარა ქემალთაშის დიდძალ ჯარმა ალექსანდროპოლისკენ.

ასლან ბეგმა მოწოდება გამოუშვა, რომლითაც იწვევს ქართველ მაჰმადიანებს საქართველოს დასაცავათ.

მაჰმადიანთა რაზმებში ბევრი ეწეობა.

კორესპონდენცია.

სოფ. კუხრები (ოკრიბის რაიონი). ხანგრძლივმა ზამთარმა ხალხი მეტად შეაწუხა, ნოემბრიდან დაწყებული თვეები ძვეს. ზამთარმა ყველას მოუწადებელს მოუწერო, ნამეტნავად საქონლის საკვები უჭირთ. სიმინდის მოსავლიც წვიმიანმა შემოდგომამ გაფუჭა და ახლა უკვე ბევრს აკლია საზორო. ხალხი მაინც მხნედ არის და მწარე ბედს მდგომარეობის. გამოცთილი და მკლავ-ძარღვიანი გლეხი არაფერს შეუშინდება, ოღონდ მის მშვიდობიან მუშაობას ხელს ნურავინ შეუშლის.

დღევანდელ ომს ხალხი შესაფერი სიღნეფითა და მეტად საამო შეგნებით შეხვდა. ყველას სახეზე კეთილშობილურ აღშფოთებას და ვერაფერი მტრისადმი შურის ძიების ხაზებს ამოიკითხავთ. ჯარში ყველა სიტყვა-შეუბრუნებლად ეწერება და ვერავის აღმოაჩნთ, რომ სამშობლოს წინაშე მოვალეობის შესრულებას გაურბოდეს. სდგება კომიტეტი, რომელიც თემში ჯარისათვის ჩილისა, გაშლისა და სხვ. შემოწირულობათა შეგროვებას აპირებს. ეს მოქმედება უნდა გავრცელდეს მთელს ოკრიბის რაიონში. ვაშა ჩვენს გლეხსაცობას და გაუმარჯოს მის მარჯვენს!

X.

მთავარი რედაქტორი კ. კაპანელი.
ხარკლავტო კოლგოვა

გ ქ ი მ ი

ი. ზ. მამულიშვილი

გვწერილი, შინაგანი და საზორო ორგანოთა სნეულებანი. (შეშხაპუნება 606 და 914) ავადმე. მიღება სალამ. 5—8 საათამდე.

ქავჭავაძის (გგუთის) ქუჩა № 8. ქალაქის მეორე აფთიაქის ახლოს თვ.

დავკარგე

სასურსათო წიგნაკი მოცემული ქუთაისის კოპერატივისაგან № 2152 სოფო ივანეს ასულის დიდისთვის ესთვლი გაუქმებულათ. 4—1

დავკარგე

წლის ბილეთი, მოცემული ქვიტირის თემის გამგესაგან 14 აპრილის 1920 წელს № 290 და მოწმობა დროებითი, სამხედრო სამსახურისაგან განთავისუფლებისა, მოცემული ქუთაისის სამხედრო უმფროსისაგან 1 ნოემბრის 1920 წელს № 8095—ვანცხადებ გაუქმებულათ. სვრადიონ სპირდონის ძე პუმბი-შვადი.

4—1